

STATUTS DALLA CORPORAZIUN DA SCOLA RUEUN E CONTUORN

Las indicaziuns davart las personas e las funcziuns en quests statuts serefereschan ad omisduas schlatteinas sch'ei resulta buca enzatgei auter ord il senn dils statuts.

I. DISPOSIZIUNS GENERALAS

Art. 1

Sut il num "Corporaziun da scola Rueun e contuorn" (el suadont numnada Corporaziun da scola), formeschan las vischnauncas Andiaast, Pigniu, Rueun, Siat e Vuorz ina corporaziun da scola tenor artechel 50 e suadonts dalla lescha da vischnaunca dil Cantun Grischun.

Num e commembers

La sedia dalla Corporaziun da scola sesanfla a Rueun.

Art. 2

Las vischnauncas s'uneschan ad ina Corporaziun da scola per menar comunablamein la scoletta, la scola primara e la scola superiura.

Intent

Art. 3

La Corporaziun da scola ei la possessura comunabla dalla casa da scola Dual a Rueun. Ella ei responsabla per il manteniment ed il menaschi dil baghetg.

Localitads

Las localitads dalla casa da scola Dual stattan gratuitamein a disposiziun als habitonts ed allas uniuns dallas vischnauncas dalla Corporaziun, aschilunsch ch'il menaschi da scola vegn buca disturbaus. Mintga arranschader paga ils cuosts per schubergiar ed ei responsabels per ils donns ch'ei vegni caschunai duront l'ocasiun concernenta.

Las vischnauncas associadas mettan a disposiziun ils locals per l' instrucziun tenor necessitad.

II. ORGANISAZIUN

Art. 4

Ils organs dalla Corporaziun da scola ein:

Organs dalla
Corporaziun da scola

- A) la cuminonza dils votants,
- B) la radunonza da delegai,
- C) il cussegl da scola,
- D) ils revisurs da quen.

A) La cuminonza diils votants

Art. 5

Igl organ suprem ei specialmein cumpetents per:

Cumpetenzas

- a) relaschadas e midadas diils statuts dalla Corporaziun,
- b) l'elecziun dad in commember per il cussegl da scola e da mintgamai 2 delegai per vischnaunca,
- c) conclus davart expensas, che schain buca en la cumpetenzza dad in auter organ
- d) conclus davart projects e fatschentas che la radunonza da delegai suttametia als votants per decisiun,
- e) decisiun davart projects, encunter ils quals igl ei vegniu instradau il referendum,
- f) dissoluziun dalla Corporaziun.

B) La radunonza da delegai

Art. 6

En la radunonza da delegai defendan ils delegai, elegi dallas vischnauncas, ils dretgs e las obligaziuns che cumpetan ad els.

Cumposiziun

Mintga vischnaunca ha il dretg da dus delegai e dad in commember che serecrutescha ord il cussegl da scola dalla Corporaziun.

Tuts treis representants han il dretg da votar.

Art. 7

Alla radunonza da delegai cumpetan en special:

Pensums e cumpetenzas

- a) la confirmaziun dil president dil cussegl da scola,
- b) l'elecziun da dus revisurs da quen,
- c) la relaschada e midada digl uorden da scola,
- d) l'approbaziun dil rapport da gestiun, dil quen e dil preventiv,
- e) la deliberaziun ed approbaziun dils rapports presentai dil cussegl da scola,
- f) la fixaziun dallas indemnizaziuns per ils commembers dil cussegl da scola e dils revisurs da quen sco era dil secretariat dalla Corporaziun,
- g) conclus davart expensas extraordinarias entochen 100'000 francs,
- h) conclus davart propostas dil cussegl da scola,
- i) propostas allas vischnauncas associadas per midadas dils statuts ni per la dissoluziun dalla Corporaziun da scola,
- j) tenor basegn nominaziun da cummissiuns specialas per preparar certas fatschentas ed examinar problems specialas.

Art. 8

Il cussegl da scola convochescha la radunonza da delegai tenor basegns, denton silmeins inaga ad onn. **Convocaziun**

Plinavon ei il cussegl da scola obligaus da convocar ina radunonza da delegai, sch'ils revisurs da quen ni silmeins 3 delegai pretendan quei.

Il liug, las uras e la gliesta da tractandas vegnan communicai a scret 15 dis avon la radunonza als delegai cun aschuntar la documentaziun davart las tractandas.

Art. 9

La radunonza da delegai vegn menada dil president, en cass d'impediment dil vicepresidente ni d'in auter commember dil cussegl da scola. **Tractaziun**

La radunonza da delegai elegia 2 dumbravuschs.

La radunonza da delegai astga decider mo davart fatschentas ch'il cussegl da scola ha predeliberau e ch' ein tractandadas.

Igl actuar dil cussegl da scola scriva il protocol. Quel ei da tarmetter als delegai e da suttametter alla proxima radunonza da delegai per approbaziun.

Art. 10

Mintga radunonza da delegai, convocada conform agi uorden, ei cumpetenta da decider. **Conclus**

Art. 11

Mintga delegau ha ina vusch.

Modus da votaziun ed elecziun

Votaziuns ed elecziuns vegnan fatgas cun maun pli, aschinavon che negin giavischa scrutini.

Tier votaziuns vala il pli relativ dallas vuschs valeivlas. Tier vuschs ulivas decida il president.

Tier elecziuns vala il pli absolut dallas vuschs valeivlas. El secund scrutini vala il pli relativ. Tier vuschs ulivas, decida la sort.

Art. 12

Per conclus che pertuccan igl uorden da scola, il baghegiar novs stabiliments da scola ed expensas che ein buca previdas el preventiv, drova ei il pli absolut diis delegai.

Il pli qualificau

Quels conclus ein suttamess al referendum facultativ tenor artechel 26.

C) Il cussegl da scola

Art. 13

Mintga vischnaunca deleghescha 1 cusseglier.

Il cussegl da scola secumpona dil president, dil vicepresidente, digl actuar e da dus commembers.

Cumposiziun

Il president vegn elegius per ina perioda da dus onns, ch' entscheiva e finescha cun igl onn da scola. Il temps d'uffeci dil president ei limitaus sin 8 onns.

Il cussegl da scola seconstituescha sesez.

Art. 14

Il cussegl da scola ha ils suandonts pensums:

Pensums e cumpetenzas

- a) direger e survigilar la scola,
- b) exequir la lescha da scola ed ils reglaments necessaris tenor dretg cantunal,
- c) fixar las cundiziuns da lavur e d'indemnisaziun dil menader da scola e dil personal d'instrucziun,

- d) elecziun e relaschada dil menader da scola e dil persunal d'instrucziun,
- e) relaschar il carnet da duers per il menader da scola,
- f) survegionza dil persunal incaricau per il manteniment ed il schubergiar dil baghetg dalla casa da scola Dual,
- g) admetter ils mieds d'instrucziun ed igl ulteriur material da scola,
- h) organisaziun dils transports da scolars e fixar l' indemnizaziun per ils transports,
- i) concluder davart expensas extraordinarias entochen 20'000 francs,
- j) elaborar las propostas ch'ei da suttametter alla radunonza da delegai,
- k) representar la Corporaziun da scola anoviars, en special viers las autoritads en cass da dispetas giuridicas,
- l) decider davart la recepziun da scolars da vischnauncas ch' ein buca commembras dalla Corporaziun da scola e fixar il daner da scola,
- m) ulteriuras cumpetenzas ed incumbensas vegnan adossadas al cussegl da scola egl uorden da scola,
- n) ils commembers dil cussegl da scola ein ligiai vid il secret d' uffeci.

Art. 15

Il president dil cussegl da scola, en cass d'impediment il vicepresident, convochescha, tenor **Sedutas**
basegns ni sin giavisch da dus commembers las sedutas.

L'invitaziun cun las tractandas ein da suttametter a scret als commembers silmeins siat dis avon
la seduta.

Igl inspectur da scola, il menader da scola ed ils scolasts e las scolastas san vegnir envidai allas
sedutas cun vusch consultativa.

Art. 16

Il cussegl da scola ei cumpetents da decider, sche silmeins treis commembers ein presents. **Conclus**

Art. 17

Ils commembers dil cussegl da scola han il dretg sin ina indemnizaziun ed ina restituziun dallas **Indemnizaziuns**
spesas.

Art. 18

Per tuttas decisiuns vala il pli dils commembers presents. Tier vuschs ulivas decida il president **Votaziuns ed elecziuns**
sch'ei setracta da votaziuns, tier elecziuns la sort.

Mintga commember dil cussegl da scola ei obligaus da votar. Resalvadas ein las prescripziuns
davart motivs d'exclusiun.

Art. 19

Il dretg da suttascriver legalmein cumpeta al president, ni en cass da sia assenza, al **Suttascripziun**
vicepresident, ensemen cun in ulteriur commember dil cussegl da scola.

Art. 20

Igl actuar meina in protocol da mintga seduta e tarmetta quel enteifer 15 dis a mintga **Protocol**
commember dil cussegl. Il protocol vegn approbaus ella proxima seduta dil cussegl da scola.

D) Ils revisurs da quen

Art. 21

La radunonza da delegai elegia mintgamai per ina perioda da dus onns dus revisurs da quen. Il temps d'uffeci ei limitaus sin 8 onns.

Incarica

Ils revisurs da quen astgan buc esser el medem temps commembers dil cussegl da scola ni delegai.

Ils revisurs examineschan annualmein il quen e la gestiun dil cussegl da scola e suttamettan in rapport a scret alla radunonza da delegai.

III. FINANZAS

Art. 22

Igl onn da quen entscheiva igl emprem da settember e finescha ils 31 d'uost.

Onn da quen

Art. 23

Sco cuosts ordinaris dil menaschi da scola valan tut ils cuosts per menar la scola dalla Corporaziun, ils quals ein buca qualificai sco cuosts da baghegiar ni manteniment extraordinari, numnadamein:

Cuost ordinaris

- a) salaris dil personal d' instrucziun e dil menader da scola conform allas prescripziuns cantunalas incl. ev. supplements,
- b) expensas per material da diever,
- c) expensas per mieds d' instrucziun e lur manteniment,
- d) expensas per il transport da scolars,
- e) expensas per mobiliar, maschinas ed indrez e lur manteniment dalla casa da scola Dual,
- f) expensas d' administraziun,
- g) manteniment ordinaris dil baghetg dalla scola Dual e contuorn entochen frs. 10' 000 ad onn,
- h) cuosts accessoris dalla casa da scola Dual,
- i) expensas per assicuranzas per scolasts e scolars,
- j) expensas per l' indemnizaziun dil cussegl da scola e dils revisurs,
- k) salaris dil pedel e dil personal da schubergiar dalla casa da scola Dual,
- l) tscheins e cuosts accessoris per locals d' instrucziun dallas vischnaucas.

Art. 24

Ils cuosts da menaschi e d' administraziun vegnan, suenter la deducziun dallas contribuziuns cantunalas ed evtl. autras contribuziuns, reparti sin las vischnaucas dalla Corporaziun sco suonda:

Repartiziun dils cuosts ordinaris dil menaschi

25% tenor diember da habitonts sin fundament dalla statistica annuala ESPOP (statistica dil stan annual dalla populaziun),

75% tenor il diember da scolars.

Tier extradadas ni entradas da scolars durent il temps da scola vegn quintau tenor temps effectiv dalla scolaziun.

Las vischnauncas s' obligheschan da pagar il necessari a conto. Il pagament final ei da pagar entochen igl emprem da december digl onn da scola current.

Art. 25

Cuosts per manteniment extraordinari (pli bia che frs.10'000 ad onn) ed investziuns vid la casa da scola Dual vegnan repartidas 50 % tenor la forza da taglia (indicaziun digl inspectorat da vischnauncas) e 50% tenor diember da habitonts. **Manteniment extraordinari, investziuns**

IV. DRETGS DALLAS VISCHNAUNCAS E DILS VOTANTS

Art. 26

Conclus dalla radunonza da delegai tenor art. 7c – 7h vegnan suttemess ad ina votaziun dii pievel, che ha liug en mintga vischnaunca associada sche silmeins 100 votants ni las suprastonzas da silmeins duas vischnauncas dalla Corporaziun pretendan ei enteifer 30 dis dapi la decisiun dalla radunonza da delegai. **Referendum facultativ**

Las vischnauncas associadas ein obligadas d'arranschar la votaziun enteifer 60 dis naven dil mument ch'il referendum ei valeivels.

Per l'approbaziun drova ei la maioritad dils votants e dallas vischnauncas associadas.

Art. 27

Entras ina iniziativa san las suprastonzas da silmeins duas vischnauncas dalla Corporaziun ni silmeins 100 votants proponer ina revisiun dils statuts ni da relaschar u cassar in conclus che schai ella cumpetenza dalla radunonza da delegai. **Iniziativa**

L'iniziativa sa vegnir inoltrada en fuorma d' ina proposta generala ni d' in sboz formulau al cussegl da scola. Ella sto vegnir motivada.

La radunonza da delegai ha da suttemetter l'iniziativa valeivla allas vischnauncas associadas enteifer 12 meins dapi l'inoltraziun, eventulamein cun ina cunterproposta, aschinavon ch'ella intenda ina revisiun dils statuts.

Per l'approbaziun dall'iniziativa drova ei la maioritad dils votants e dallas vischnauncas associadas. Per midadas digl intent dalla Corporaziun da scola drova ei il consentiment da tuttas vischnauncas associadas.

Schai la proposta ella cumpetenza dalla radunonza da delegai e corrispunda ella alla proposta, drova ei negina votaziun ellas vischnauncas associadas.

Ina iniziativa sa vegnir retratga dils sis premsutsignaders tochen diesch dis suenter che la radunonza da delegai ha decidiu, priu ch'ei detti negina outra resalva da retrer. Quella astga bein engrevegiar denton buca excluder la retratga dall'iniziativa.

V. DISPOSIZIUNS FINALAS

Art. 28

Ils statuts ein d' approbar da tuttas vischnauncas associadas e da ratificar dalla Regenza. Ils statuts entran en vigur cun l' entschatta digl onn da scola 2005/2006. **Vigur**

Art. 29

Ils statuts san vegnir revedi da tut temps sin giavisch dalla radunonza da delegai ni entras iniziativa. **Revisiuns dils statuts**

Per ina revisiun totala ni parziala che pertucca igl intent ed ils pensums dalla Corporaziun da

scola drova ei il consentiment da tuttas vischnauncas associadas.

Per autras midadas dils statuts ei la maioritad dils votants e dallas vischnauncas associadas necessaria.

Art. 30

Ina vischnaunca sa extrar dalla Corporaziun da scola sin la fin digl onn da scola cun observar in termin d' extrada da dus onns. **Extrada**

La responsabladad d'ina vischnaunca extronta per las obligaziuns enviers la Corporaziun da scola sco era per las obligaziuns ch'eiin resultadas avon l'extrada, restan. Cun la sortida crodan tuttas obligaziuns futuras sco era eventualas pretensiuns sin la facultad.

Art. 31

Per la dissoluziun dalla Corporaziun da scola drova ei il consentiment da tuttas vischnauncas associadas. **Dissoluziun**

Eventuals deivets vegnan reparti sin las vischnauncas associadas tenor il diember da scolars e scolaras dils davos tschun onns.

Aschinavon ch'ei restass ina facultad, vegn quella surdada ad ina instituziun regionala cun in intent semeglient, ni deponida tier la canzlia communal Rueun, per mauns d'ina instituziun futura cun in intent semeglient.

Art. 32

La revisiun parziala dils statuts entra en vigur cun l' entschatta digl onn da scola 2010/2011. **Revisiun parziala**

Sin quest termin vegnan las Corporaziuns da scola " Consorzi da scola per la scolas primaras e scolettas dallas vischnauncas da Waltensburg/Vuorz ed Andias" dils 11 da fevrer 2003 e "Corporaziun per las scolas primaras e la scoletta dallas vischnauncas da Pigniu, Rueun e Siat" dils 31 da matg 2005 sliadas. **Dissoluziun da corporaziuns existentas**

Approbau entras las radunonzas communalas:

- Andiast, ils 29.01.10  
- Pigniu, ils 27.11.2009  
- Rueun, ils 6. DEZ. 2009  
- Siat, ils 04.12.2009  
- Vuorz, ils 28.01.2010  

Approbau dalla Regenza dil cantun Grischun: 23.2.2010, RB 153

En num da la regenza

Il president:



Il chancelier:



